

Број: 01,02,03,03/11-05-1-572/23

Sarajevo, 8. 5. 2023.

PRIMLJENO: 09.05.2023			
Organizaciona jedinica	Klasifikaciona oznaka	Redni broj	Broj priloga

Izvještaj sa službenog putovanja

Interparlamentarna konferencija o energetici o temi:

"Izazovi i mogućnosti za buduće energetske snabdijevanje EU"

Štokholm – Kraljevina Švedska, 23. i 24. april 2023. godine

Zamjenik predsjedavajućeg Predstavničkog doma Parlamentarne skupštine BiH Marinko Čavara i drugi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda PSBiH Radovan Kovačević učestvovali su, s predstavnicima 30 parlamenata, u radu dvodnevne interparlamentarne konferencije o energetici o temi: "Izazovi i mogućnosti za buduće energetske snabdijevanje EU", koja je održana 23. i 24. aprila 2023. godine u Parlamentu Kraljevine Švedske, države koja trenutno predsjedava Vijećem Evropske unije (EU).

Nakon uvodnih obraćanja, učesnici su imali priliku raspravljati o svim izazovima budućeg snabdijevanja koji stoje pred Evropom, ali i ostatkom svijeta, posebno u postizanju dugoročnog održivog razvoja koji se mora zasnivati na obnovljivim i nefosilnim izvorima energije.

Konferencija je pružila dobre prilike za plodan dijalog između učesnika koji mogu doprinijeti pozitivnim pomacima u oblasti energetske politike, dok je tema posebno važna za Bosnu i Hercegovinu koja je dobijanjem kandidatskog statusa napravila značajan korak ka članstvu u EU.

Članovi delegacije Parlamentarne skupštine BiH ocijenili su da je učešće na ovoj konferenciji i razmjena mišljenja i stavova s evropskim parlamentarcima poslužilo kao izvor dodatnih ideja u suočavanju sa izazovima i prilikama budućeg snabdijevanja energijom u Bosni i Hercegovini.

Također, tokom službenog boravka Štokholmu zamjenik predsjedavajućeg Predstavničkog doma Parlamentarne skupštine BiH Marinko Čavara i drugi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH Radovan Kovačević održali su bilateralne sastanke s visokim zvaničnicima Parlamenta Kraljevine Švedske (Sveriger Riksdag), zamjenicima predsjedavajućeg Parlamenta Kraljevine Švedske (Sveriges Riksdag) Kennethom G. Forslundom i Kerstin Lundgren.

U uvodnom dijelu sastanka zamjenik predsjedavajućeg Predstavničkog doma Parlamentarne skupštine BiH Marinko Čavara sagovornike je upoznao s aktuelnom političkom, ekonomskom i sigurnosnom situacijom u BiH. Pozitivnim događajem u proteklom periodu ocijenjena je dodjela kandidatskog statusa BiH. Tokom razgovora zamjenik predsjedavajućeg Predstavničkog doma Parlamentarne skupštine BiH Marinko Čavara i drugi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH Radovan Kovačević sagovornicima su približili ulogu Parlamentarne skupštine BiH, te sve ono što je njihov zadatak na putu ka članstvu u Evropskoj uniji.

Zamjenici predsjedavajućeg Parlamenta Kraljevine Švedske istaknuli su važnost jačanja saradnje između parlamenata dvije države, posebno u periodu kada Kraljevina Švedska predsjedava Vijećem EU, što bi predstavljalo dodatno ohrabrenje i podsticaj tokom prilagođavanja EU prije punopravnog članstva.

Na kraju sastanka predstavnici Parlamentarne skupštine BiH izrazili su zahvalnost i očekivanje nastavka podrške Kraljevine Švedske Bosni i Hercegovini na putu pridruživanja EU.

Osim učešća u dvodnevnoj interparlamentarnoj konferenciji i održanih bilateralnih sastanaka, članovi delegacije Parlamentarne skupštine BiH posjetili su Ambasadu Bosne i Hercegovine u Kraljevini Švedskoj, te održali sastanak sa Sabinom Konjhodžić, otpravnicom poslova u Ambasadi Bosne i Hercegovine. Otpravnica poslova upoznala je i informirala članove delegacije Parlamentarne skupštine BiH o radu i funkcioniranju Ambasade, kao i o problemima s kojim se susreću državljani Bosne i Hercegovine u Kraljevini Švedskoj.

Interparlamentarnoj konferenciji, osim zamjenika predsjedavajućeg Predstavničkog doma Parlamentarne skupštine BiH Marinka Čavara i drugog zamjenika predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH Radovana Kovačevića, prisustvovali su i: Marija Čosić, šefica Kabineta zamjenika predsjedavajućeg Predstavničkog doma Parlamentarne skupštine BiH, Azra Kost, rukovoditeljica Sektora za međunarodne odnose i protokol Sekretarijata Parlamentarne skupštine BiH, Enida Mehmedovski iz Sektora za međunarodne odnose i protokol Sekretarijata Parlamentarne skupštine BiH i Dubravka Ištuk-Pavlović, prevoditeljica u Sektoru za međunarodne odnose i protokol Sekretarijata Parlamentarne skupštine BiH.

Izvještaj pripremila:


Enida Mehmedovski



Izvještaj odobrio:

Zamjenik predsjedavajućeg
Predstavničkog doma PSBiH

Marinko Čavara



Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- Zajedničkoj komisiji za evropske integracije PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću Sekretarijata PSBiH
- Sektoru za međunarodne odnose i protokol Sekretarijata PSBiH

Kopija: Ministarstvo vanjskih poslova BiH